

Deo opt. max. uni & trino, Virgini Deiparae, & sancto Lucae orthodoxorum Medicorum Patrono,

(1692) Aug 1392

QUÆSTIO MEDICA.

Cardinalitiis disputationibus manè discutienda in Scholis Medicorum die Jovis septima Martii.

M. JOANNE GARBE, ~~Cæsar~~ Doctore Medico, Præside.

An propter vivendi modum divites sint plebeis pauperibus longeviores?

FACULTAS nostri opifex, unius cum humore caloris societate conservatur, hæc simul constant arcto nexu conjuncta, alter alterius adminiculo sustinetur, caloris alimentum humor, hujus autem ille mutuo reparator existit: viventibus temperies frigida nulla, aut æqualis, nec extrema senectutis frigus vitalis caloris robur potest superare; par illorum conditio, si tabescat calor loco non dissilabili conclusus, ita humor non aperto coarctato loco putredine corrumpitur. Dum calor per ~~exhaustum~~ ad certum tempus invalescit, humoris & spirituum substantiam non probes semper inclinare, lege in uno quam in altero inæquiore. Recens natis ferax, & spiritibus fecundum, adolescentibus & juvenibus plurimum, senibus autem imminutum, marcidum, & veluti inest crematum humidum primigenium, his brevior ætas, quæ in illis futura est diuturnior, quò in dies augetur uberior caloris innati substantia, ipsis tamen perpetuam (arte licet medica) nemo posset polliceri.

CALOR innatus humore non aquoso, non quolibet, sed eo qui non facile exsiccat aëreo & pingui servatur, hic dum continetur abundantior tardius inarescit, modo rerum naturalium usus servetur tempestivus & moderatus, & quod effluerit continenter reponatur alimentis optimis, quorum materiam insita proprietate subigit alterando tota etiam partium substantia. Plantæ in minimis habent vitæ potestatem, parte una senescente altera renascitur, sicut enim species animalium generatione individuorum, ita in vegetantibus perpetua partium generatione individuum unum fit quasi perpetuum: ex ipsis autem diutius vivunt, quæ humidum copiosum pingue, & lentum obtinent, ut resinosa aqueis: ex animalibus terrestria aquatilibus: sanguinea exanguibus vivaciora, ex hominibus mares feminis, graciles obesis ut plurimum diuturniores. Potuerunt ne prioris potiori jure quam hujus sæculi parentes longa senectute gloriari?

SENECTUTEM non male sentit quisquis marasimum appellavit, in hanc enim post ætatis vigorem nos deducit caloris in humidum perennis actio, ita qui vivendi primus author exiit, idem moriendi necessitatem tandem imponit, hanc accelerant quæcumque vitæ nostræ fundamenta evertunt ac dissipant ut magna per plures dies inedia, vigiliae juges ac perennes; curæ graves ac mœrores: crebræ profundæque cogitationes, ambientis nos æris æthans intemperies: vini meracionis potus assiduus: morbus acutus & chronicus: frequens & copiosa feminis effusio: plantæ enim non sunt diuturniores quibus coloni cura fertilitatem adjicit & accelerat: sic plebei pauperes propter rerum inopiam suam per longiorem annorum seriem non extendunt vitam.

DIVITES jure merito cum plebeis pauperibus de vitæ longitudine non contendunt, in illis humidum radicale inest copiosum, & calor innatus alimentum copiose reponit: omnia optimæ temperaturæ in illis leguntur, color ex rubro & albo commixtus, capilli sufflavi, & ut plurimum crispî: moderatus ex musculofo genere habitus, mollities cum temperato calore tangenti gratissima, optima pro voluntate habent alimenta, pane primario & optimis cibis palato gratissimis temperatisque vescuntur: at plebei pauperes contraria præ se ferunt signa, quorum squallida, macilentia, & prædura sunt corpora, capilli nigerrimi vel plus æquo rufi, omnia denique exhibent indicia quæ humores intemperatos prædominari detegunt; miserrimi illi infimæ fortis plebei pauperes, vitam non modo calamitosam, sed perpetuis & concatenatis laboribus instar pecudum addictam degunt, pro victu omnia intemperata, panis secundarius aut caninus, caro bubula, suilla, salita, piperata, caseus & legumina exhibentur, à quibus pravi humores & plures morbi lethales producuntur.

SI magnis parva, sceptrumque ligoni componere fas sit, ut magnates tam generis nobilitate, quam virtutum splendore plebeorum pauperum progeniem procul à se relinquunt, ita pariter bonis salubribus splendidius elucescunt, miseramque illorum vitam longævitate exsuperant. Celebris est & antiqua maxime utilis invaluit consuetudo, ut assidentes sibi prudentissimos peritissimosque habeant medicos, qui eis vivendi normas ac regulas præstarent convenientes, (sicque si ipsorum consiliis obsequi voluerint) bonam quam à natura sortiti sunt temperiem servant & exactam valetudinem diutius tuerentur: quod vix animadvertunt plebei pauperes crassiore luto nati, & efformati maxime quiriticam agunt vitam, nullo Medicorum adhibito consilio, nulla certa ac statuta vivendi ratione utuntur, sed variis hinc inde incommodis premuntur, curis, sollicitudinibus, arumnis, molestiisque afficiuntur, sicque languidiorem ut plurimum difficiliorem agunt vitam & brevioram.

Ergo propter vivendi modum divites sunt plebeis pauperibus longeviores.



Proponebat Parisiis FRANCISCUS GOUËL, Parisinus, Baccalaureus Medicus. A. R. S. H. 1686.